

摘藻堂四庫全書薈要

集部

欽定四庫全書薈要卷一萬三千三百八十三

集部

御製詩二集卷五十六

古今體八十一首

乙亥三

御園仲春

宿潤連林暗遠嵐韶光耐可事幽探
綠凝柳陌絲方罥
紅重桃蹊葢尚含
新水柔於雲出谷
平湖圓似鏡開函
溶溶著箇輕舟泛
明聖遙同印月三

題春雨軒六韻

識喜聞元聖為書號得禾春膏今歲慶別殿落成歌後
樂誠堪誌先憂竟若何名因當去聲時易趣愛此間多藻
績寧須亟清閒每一過如斯願振古六幕永綏和

蘊真齋

遊覽未可亟宴息貴有時澹寧斯亦佳藻績徒爾為遠
愧堯代階近取謝氏詩葆光味妙理養粹協化機寧獨
尚清靜治理從此施

晴

春光淡蕩旋添妍
綻盡風柔二月天
衣試輕寒緣宿雨
橋過別浦暗新煙
欣從散步披晴日
樂在農耕遍大田
熟食空傳節令在
何須賜火溯遺編

恭奉

皇太后御園遊覽即景成什

嫩日光風宿雨晴
御園節物報清明
煙花契妙將三月
歌舞承

歡合衆情北地桃
開先杏發東郊土
沃帶泥耕

慈懷預為田農喜麥壟迎舟兆已呈

即事

北地春艱雨例事衆所知近年頻霈澤深感造物私或
云南巡後風氣隱相隨其然豈其然天道或轉移利農
吾為慰進人吾為疑

用邵雍事曾有詩駁之

焉有枚卜重一烏操

其機今歲又厚幸春霖遍且時下隰或沮如高原及一
犁高原固甚佳下隰虞耕遲以此轉盼晴蜀望寧有涯
近畿膏已霑遠省復縈思聞霑河南北報逮山陝西撫

臣更有言云誠時雨師

陝西巡撫陳弘謀奏各屬雖有微雪仍望雨澤二月十五日至

十九日連雨霑足時西路官兵正歷其境臣民喜悅以為時雨之師時雨則何當

天恩敢弗寅綏遠固要政飭農要倍之但期禾黍豐跋
涉衆寧辭序佳幾務閒應我心暫怡心暫怡豈能一刻
千里馳

題方琮山水圖

桃蹊春靄

太古千峯靜幽人一事無
谷神能蘊藉春色有工夫
蕭

寺依雲構危亭借石扶亦云工位置吳苑此規模

琮學
張宗

蒼畫法

故云

楓林秋意

一夜霜吹宇千林葉績峯蕭蕭且未下
爛爛轉如濃彷彿天孫織依稀白帝逢
扶筇人小住應是託喬松

喜晴

次第韶光劇可憐潤含林塢泮朝煙輕雲乍散春曦嫩
火迫山桃盡放妍

曉起莎茵土氣香較來北地得何常東風吹雨花園好
繪出當年長史張

仲春時節喜時晴創事非恒暢快生設使桃堪作梅觀
去聲泛舟直擬是江城

閒

人孰不喜閒偶閒轉不安豈是異恒性心切為君難

題惠山園壘前韻

山白桃花可喚梅依依臨水數枝開九龍今日何神肖

為是光春雨後來

再題惠山園八景

載時堂

雲水相澄上下鮮
坐來惟愛手芸編
流陰每擬惜陶侃
仰止兼因溯史遷

墨妙軒

真詮已萃千秋寶
清賞還同八詠樓
釵腳漏痕猶刻畫
請看石立與泉流

就雲樓

坐至雲煙無定態
朗開窓牖有奇觀
衣霑為入山深處
張旭形容契者難

澹碧齋

拍檻漪瀾潑灩光
游魚潛躍樂相忘
琉璃界裏水精闕
一物不塵六月涼

水樂亭

峽琴金石韻鏗鏘
不攫中去聲宮還中商
本意由來肖吳

下何妨並認作東陽

知魚橋

林泉咫尺足清娛
撥刺文鱗動綠蒲
當日惠莊評論處
至今知者是媿隅

尋詩逕

詰曲穿雲復度松
山如飯顆翠還濃
詎諧白也苦吟杜
疑是曾於此處逢

涵光洞

崦嵫北谷靜涵虛入畫可遊亦可居
朱戶只疑雙鑷處
藏來二酉有遺書

昆明湖泛舟之作

雨後湖山上下鮮
蘭舟緩棹破溪煙
千重雲樹綠纔吐
一帶霞桃紅欲然
賣酪聲稀禁火後
流觴景試禊朝前
六橋那畔猶堪賞
水足陂塍待治田

景明樓

隄亘明湖迥置樓
春和佳概雅相投
汀蘭岼芷晴舒暖

金
卷五十六
綠柳紅桃風拂柔布席只疑天上坐憑窓何異鏡中遊
鴝鵒鳬雁煙波濶豈必無心獨野鷗

玉河

玉河五里玉泉接每以尋源便溯流伊軋櫓聲知近遠
菜花黃裏度紅舟

耕織圖口占

玉帶橋西耕織圖織雲耕雨學東吳水天氣象略如彼
衣食根源每厪吾

仲春玉泉山

進舟芳節訪春山沿攬聊垂片刻閒柳遲

去聲

謝庭芬詠

句花拈迦葉笑開顏迎人生意三壺裏蓄眼殊觀廿日

間

自盤山旋蹕未至玉泉者恰二十餘日

更有憑高心愜處鱗塍水足碧

潺潺

女夷動物不能緘擘萼彈苞滿翠巖信矣鴻鈞恩溥博
果然形色總和誠鏡湖欲數魚鱗葺畫棟將聞燕語喃
最是山川明秀處啓人藻思自超凡

呂祖洞

墨胎古洞閱時年應禱脩誠致意虔雲鶴仙儀為重整
年來祈禱雨雪屢應特為重加莊嚴祇求歲美不求仙

華滋館

春雨既云時春晴良復善春物正昌昌春遊亦緩緩明
秀繪春節棲遲憩春館華滋信華滋興會每不淺庭饒
花木芳坐愛圖書展返真味道腴孜孜吾當勉

題張宗蒼江潮圖

重疊束隘相吞吐方諸應月信必赴奔江射潮潮性怒
銀濤有進無迴顧洞汨窅冥移神慮何來峰頂閒亭據
世人未許知其故即是成連迎師處

萬壽寺

柳岸維輕舫花宮凭綺疏春光已靄靄大士祇如鳥
語繁花下松陰靜雨餘閣黎習禪寂不事事鐘魚

詠如意

心澄何所事腕動儘相隨雅合談元執那堪臨陣麾檀

稱香是體玉以德為儀有願皆能遂余心懼在茲

仲春齋居

中祀齋二日一心誠則同况此將耕耤為歲祈

先農今春

天澤溥土潤興田功密雲猶靄靄細雨時濛濛際和心
益凜遑敢弛寅恭有年祝九寓無逸勵九重

祭

先農壇

練日臨祥亥占農逮正晨祈豐

祀修潔致敬宇維新

上年修

南北郊壇工竣即命重先農壇并於壇外多植嘉

樹而禁種菜以致蠲潔時方歲役

贊

帝降嘉種於時此大徇即看土膏潤慰悚戴

鴻鈞

耕藉詞三首

洪縻在手御犁扶
京兆司農執事趨
詎止游場循典禮
要知農重視農廡

雨露春鴈命耕時千畝祥風颭綵旗
歲歲躬親不遑逸
幼農

家法式勤思

欄輝白玉望耕臺帝藉今年禮倍該

望耕臺舊以木為之今改建石臺

恰值青郊一犁足惠風合拂曉雲開

暮春瀛臺即景雜咏

花明柳暗暮春初韶秀青山過雨餘
不擬流觴脩禊事

龍跳

平聲

為乏右軍書

日知閣對流杯處觴詠當年集翰林鼓響春音曾幾載
却成佳話壁間吟

松巖石秀皆因舊茶舍三間自我成昨過田盤千尺雪
耳聲目色至今清

溶溶春水漾輕舠戟戟新蒲起鷺翽最好春陰瓊島望
綠瓊雲上塔輪高

金源團殿記春明太液低臨玉螭橫設使崑崙誠可到
此間十二是曾城

堂俯漪瀾翰墨清熙春風物總怡情一拈鬢一章詩就
率易由人著語評

承光殿

朶殿年芳入綺錢崔巍疑陟閭風巔琪花瑤草神仙地
細雨柔風上巳天陰凝去聲瓊華遮半塔波涵太液漾輕
船登臨底識予心慰四野春膏沃甫田

玉泉春望

水潔靈源山疊秀林光花意總先時船從紅雨香中繫

輦向翠雲深處移螺頂一亭成小憩
蜃窓幾愴寄清思
可憐春果宜東望萬景昆明座席披

玉蘭

匪穠而麗淡而芳本分仙人素轂裝更喜佩阿神解處
不因世事涉雌黃

文徵明飛瀑松聲即用其韻

巖間松韻答泉聲策杖高人與目成
記得寒山千尺雪

無端一中

去聲

畫中情

恭謁

泰陵啟蹕之作

命師奠西極有事告

二陵我東曰歸時我心西悲生耕藉並問

安月吏對明廷諸務既備舉啟蹕發前旌一心憶

冠劍二十易霜星三宿不為遙覺如萬里程

過盧溝橋

盧溝橋北無河患盧溝橋南河患頻橋北隄防本不事

橋南築隄高嶙峋隄長

上聲下同

河亦隨之長行水牆上徒

勞人我欲棄地使讓水安得餘地置彼民或云地亦不必讓但棄隄防水自循言之似易行不易今古異宜難具論

半壁店

樹籠村店水彎環別館居停構此間春壠詩情滿幽野
雲巖畫意妙房山往來忽訝廿年過俯仰聊乘片刻閒
祇有門前溪溜碧聲和哀玉鎮潺潺

杏

東風不偏黨萬彙入洪鈞朝來紅杏花報我野館春和
嬌無俗態冷芳有別神瓦雀本宿識繞樹猶懷新儻逢
復儻去分付成香塵

永慕齋

樸斲閒齋預宿便別來永慕忽經年無眠此夜難為夢
有夢仍飛隔嶺煙

恭謁

泰陵有序

準噶爾自

皇祖時策妄阿拉布坦恃遠跳梁即以命將致討我

皇考欲繼

前志議以兩路進剿適值噶爾丹策凌方肆鴟張未及
翦盪旋即罷師踐阼以來亦惟置之度外羈縻而
已比者達瓦齊篡奪頻仍諸部瓦解名王部落接
踵內屬機不可失義有必伸爰命大臣統新附之

衆益以八旗良騎分路致討冀以仰成

皇考未竟之緒祇謁

山陵祈垂

默佑云

橋山儀樹鬱蔥然

憑几悲深忽廿年承

昔懷柔綏月竈逮今歸順接祁連乘時欲事日中襲命
將因寧漠外邊

先志敬成何敢必尚希

景佑奏功遄

曉行即事

東風曉日冱寒徂蕪長

上聲

亭臯露氣濡馬踏土香迎目

潤年來春景得曾無

宰地牂楊冑綠絲鞭停珠勒意為遲即看夾路成陰者
記得移栽拱把時

攏首紅英護華門江南仿佛杏花村今年春野偏宜望

處處耕犁溼土翻

春麥纔生秋麥長綠蕊一律染煙光
已霑好雨仍希澤未敢輕言餅餌香

畫梅

趙北春風綻杏花馬頭殘雪映朝霞
江南正是梅開候便寫一枝踈影斜

秋瀾村

溪流泛春碧村塢駐秋瀾
舍宇憩今夕詩書尋古歡
房

山雲氣重冀野麥田寬到處祈年意求安未敢安

涿鹿行

經臨涿鹿城因歌涿鹿行太行濕水互表裏杏村柳陌
過清明閭閻氣象略溫飽聞道去年秋頗好未經見豈
無飢寒粉飾詞虞出宦巧軒轅熊羆靖蚩尤耕桑今日
三輔稠懷音狼臙與石留薄伐深入全功收流沙西被
戎索修

閱永定河

永定本無定竹箭激濁湍長源來塞外兩山東其間挾沙下且駛不致為災患一過盧溝橋平行漸就寬散漫任所流停沙每成山其流復他徙自古稱桑乾所以䟽剔方不見紀冬官一水麥雖成諺云一水一麥之地亦時災大田因之創築隄

聖人哀民艱

永定築隄始自康熙三十二年

行水屬之淀蕩漾歸清川

其初非不佳無奈歷多年河底日以高隄牆日以穿無

已改下流至今凡三遷

永定下流入淀挾沙易淤故下口數徙康熙年間由柳汊口雍

正年間由三角淀近年
改由冰窖今復漸淤

前歲所遷口復歎門限然大吏

請予視蒿目徒憂煎我無禹之能况禹未治旃詎云其

可再不過為補偏下口依汝移

總督方觀承建議移下口於北隄之東

目

下庶且延復古事更張尋思有所難

南紅門外

閱河廻蹕有餘暇南苑經過取便途
淡愛輕煙泮遠樹香生濃露濕新蕪

試馬常年獵野坳宣傳今日得教停
羽林莫訝耽閒嬾

為惜連村麥隴青

杏紅李白柳青絲黃鳥緡蠻語亦奇
春色春聲饒野趣
垂鞭佳處意為遲

南紅門行宮晚坐

春宵方澹蕩春月亦娟妍
行宮雖數字俯仰足安便
澄懷對今夕遐心憶昔年
數漏炷名香翻書課芸編
澄懷觀道妙如親古聖賢

行圍三首

綠原小試佶閑騶

所乘馬名

俞騎鴻網認五旂勝日尋芳薰

示度雕龍何用賦春蒐

露潤青衢草氣馥陽和舉目化機含季登漫詡中雙兔

一日雙還倍彼三

是日凡射中八兔故云

生風耳後最豪情付廿年前繡壤平不廢武還思諫獵
箇中吾自有權衡

舊衙門行宮即事

面勢菁蔥綠野寬罷圍隨處可游盤庭饒芳毯鋪生意

座有芸編結古歡
昨歲詩情看荏苒
離宮春色又闌珊
問誰結習曾消盡
漸去陳言寄靜觀

德壽寺

李白海棠紅花宮
本是宮由今還視
昔惟色演真空大
士如如相光春澹
澹風迴瞻牆頂柏
翠擁法雲叢

題蔭榆書屋

書屋三間號蔭榆
墨壺琴薦足清娛
無過信宿依然去
似此安能味道腴

曉

夢迴衾幃清簷禽纔啁聲
褰帷視窓紙昀猶未明就
枕擬續眠常侍忽秉檠曰
有邊報來馳奏傳軍情立
起籌事機匪博求衣名

新衙門行宮述懷

廿里行宮信宿移芳郊獵罷
小棲遲綠窓青簡渾如昔
喬樹叢花又一時學擬較先
仍慙若治雖望古每慙之
吾懷聊復摛毫述自哂何須
更爾為

月

九十今臨三度圓故教此夕太清妍微寒不礙花前倚
能潔那拌枕上眠潤逼露叢翻淥淥影因風篠蕩娟娟
若虛果契搖情妙底更春江泛舸船

詠綠牡丹

閱盡洛陽種空聞黃紫傳盈盈綠瓊質萼萼羽衣仙洗
去鉛華態標來穀雨天姓名如藉問祇合顧羊權

豐臺

豐臺最有江南趣
今歲江南趣不如
綠柳紅桃三月半
景明恰值雨晴初

恭詣

暢春園問

皇太后安

十日巡迴面問

安敬勤未敢為遊盤
更將芳甸春耕好
悉達

萱階博

懿歡

暮春萬壽山

幾日瑤峯未眺登，壘林綠欲隱峻嶒。飛揚白絮定何謂，
飄墮紅英有底能。漸入清和山意靜，是日立夏預期甘雨我
憂仍當前。那似昆明水，萬象虛涵萬頃澄。

養雲軒

名山多奇境，平陵構踈軒。軒中何所有，朝暮饒雲煙。全
入既不拒，寫去忽復旋。高詠陶氏停，欲笑蘇家攬。蓄矣

發應時為霖利大田

夜雨

三月二十六日

邇來頻問夜渴待馳捷音驛章猶未至却報霏春霖怪
底衾枕寒淅瀝聽徐斟仲春澤已霑高下抽麥針人云
遲可俟我已望弗任籌邊慎遠圖劬農勵永心惟希三
寸渥無眠坐披襟

準噶爾台吉噶爾藏多爾濟歸化信至詩以紀事
呼偈披忱寵賜新夙沙交臂又來賓命師底用張三伐

西北兩路所用薩拉爾阿睦爾撒納皆率先降附之準
噶爾部衆將軍班第永常董帥之而已本欲以餘力舉
之故禍牙命將諸典禮皆未舉行安遠惟因恤兆人

先是檄諭諸部因達瓦齊篡奪肆虐

荼毒諸部出師本意惟以伐罪寧人遠近聞風傾附耕者不變咸慶來蘇

正喜捷音來禁苑

還期鞠旅共賢臣水西流處均東面

天佑欽承倍敬寅

御製詩二集卷五十六

總校官庶吉士

臣侍

朝

校對官修撰

臣張書勲

勲

膳錄監生

臣彭希純

純

欽定四庫全書薈要

集部

御製詩二集卷五十八

七

詳校官原任編修臣徐立綱



欽定四庫全書薈要卷一萬三千三百八十四

集部

御製詩二集卷五十七

古今體九十一首

乙亥四

孟夏時饗



祝融臨孟月

太室奉明禋

一脈精神貫萬年
第祿秦拜墀
陪列辟執爵
進宗親

祖烈於今赫流沙仰集鱗

玉馬

君子之方君子德襲人所攻圉人職繭雲逐電飛不翼
四蹄曲卧於焉息瑞占地產豈虛飾即看天馬徠西極
英英汗作桃花色

偶憶富弼命相事戲題二首

有序

此事朕以為不經夫用人行政非宦官宮妾所當
預豈獨命相為然顧仁宗以此得弼而仍使小黃

門覘之又何啻授之以柄耶且命相固惟其人司
馬光兒童走卒無知名又安可不用彼碌碌者
流又可以其不為近習所譽而用之耶則以此為
仁宗王素之美固不可也史臣紀載徃徃如是詩
以正之

命相聞稱王素對宦官宮妾不知名可憐富弼膺枚卜
若輩終能操重輕

才資變理要惟其豈繫內人知不知設問當時衮衮列

不知名者又伊誰

陶復初秋林小隱

境堪遯世真無悶
泉可濯纓信樂飢
誰識幽人神解處
小山叢桂正芳時

雩祭齋居

齋宮路寢左

大祀乃遷居一歲率三度

南至上

辛雩祭凡

此心弗改

初春霖霑綠野和旭靜丹除

天貺今年疊持盈益畏予

雩祭禮成述事

習爽晨光散燭田

嘉壇對越禮

皇乾爵匏畢獻浮醲露炳燎初升颺慶煙夏
禱惟時蠲祀吉春膏被地冀

恩連頻希

鴻佑寧非瀆祈歲殷忱

鑒廿年

雨

四月初七日

常雩剛翼日膏雨正依旬

前此三月廿七日雨

纔覺田希澤欣邀

帝沛津滋芒種益好浴佛誕其真入夕聽簷溜無風靜

扇輪濕將逾二寸潤實繼三春惟冀優霑渥寧辭問夜頻

首夏萬壽山

遊山宜雨後及節正清和疊樹張青幕連峯濯翠螺緣

因歡喜結

四月八日俗稱結緣

意戒滿盈過本是先憂者忘憂理

則那

題邵窩

山如蘊藉水環周
兩字題楣慕古修
仁者安仁智者樂
衛源彷彿昔曾遊

雲松巢

巖松鎮龍蔥峯雲
自吞吐流為沆瀣
津泛作雲和譜動
靜互為根隱見若
相與其間有巢居
時復迷處所

題張宗蒼畫

人倚高樓最上層却從雲表眄峻嶒設非理趣傳神韻
留白施青孰不能

屢聞西師所指降歸者衆七字成詩一篇示志

救寧西極用偏軍

天與人歸敬受欣每至夜分遙檄問所希日繼喜音聞
有征已是無交戰率附常稱不變芸

唱爾藏多爾濟等率屬來歸僉云大

兵過時我屬人等仍照常耕種誠心向化

籌畫

兩朝光烈在覲揚惟謹敢云云

昆明雨泛

掠水霏絲盪畫橈
欣優澤繼前朝陣
雲却惜收烟脚
尚自空濛靄六橋

森森銀竹度空寒
潤意西山隱翠巒
不是米家書畫舫
瀟湘何事等閒看

蓄水原來為

去聲

農務灌畦湖淺也何妨
烟絲中有予心

樂到處鱗塍徧插秧

玉泉雨霽

玉帶橋西接玉河，討源因至玉泉阿。
無端霞意拖紅綺，不盡晴光染翠螺。
膏澤雖需多益善，望心曷極得毋過。
自憐水碧山青裏，放眼舒眉會幾多。

清音齋

山對有情畫，泉聽不操琴。
雨餘紅錦亂，夏首綠雲深。
物理皆消息，幾康自酌斟。
無非無逸所，何處可閒心。

分鑑曲

一水分雙鏡雙鞵試一尋間行常惜步興至亦成吟不
設自他見何妨妍醜臨新波漲幾許潏潏綠蒲深

甄心齋

屏戶峯欽寄帶階溪淡沱棟宇構樸雅几席置貼妥欲
仙同蓬瀛入賦異馭娑從幽得靜陶思微見真可慕道
詎如彼籌治益厓我

文徵明茅亭清話

茗椀香鑪盡灑然高僧相對試談禪據牀者定知誰氏

識得依稀似樂天

雨四月十日

屢陰猶切念大需始紓懷溜響垂檐招津流積砌階可

期雙種麥

謂春麥秋麥也

聽過酉時牌正爾心生慰軍書又報

佳

是日北路軍營奏報扈魯瑪台吉納穆喀率所部千六百餘戶來歸

廓然大公八景有序

圓明園四十景皆取四字為題各景之中一軒一

峯具有幽致日涉成趣正復不窮題以八景系之

七言

雙鶴齋

前接陌柳後臨平湖軒堂翼然虛明洞徹

皇考御書題額時有卿雲護之廓然大公扁即在後室
一泓涵碧頗有物來順應之趣

深柳偏宜羽客嬉會心恰當讀書時

是處昔又名深柳讀書堂

在陰

能和寧吾謂好爵還思與爾縻

規月橋

循雙鶴齋而西跨湖為橋圓如半壁映水則為滿
月繚以長廊悠然濠濮間想

拖如玉帶曲如鉤上置行廊又似舟仙術何須倩法善
往來常作廣寒遊

峭菴居

性之介立為峭文之藻蔚為菴太冲詩意良足會
心

石秀松蕤各出羣不同同處挹清芬太冲豈務多奇者

五字全拈大塊文

影山樓

面東為樓杜陵句曰半陂以南純浸山動影窈窕
冲融間斯樓有焉

因迥為高結構清層樓因得影山名窓中峰作波中態
上下明漪最有情

披雲徑

奇石崿岬迴互徑出其中烟雲往來披拂襟袖

綠雲叢翠徑縈紆面面深竒步步殊倩得仇英寫生筆
定須為作採芝圖

綺吟堂

機政之餘拈吟適興每遇佳境不覺綺思濬發
逢源左右足深資適興無非把筆時設使古人癖誠有
吟之一字我何辭

韻石淙

曲澗奔泉琤琮作金石聲韻出天然是謂雲山韶

獲

迸水縱縱下石磯八音繁會太音稀
輞川漫擬王家畫
虞陞高懷舜手揮

啟秀亭

山巔笠亭孤標秀出左顧飛瀑右挹雲林盡得此
間勝概

詭石蒼松扶翼然氤氲朝暮幻雲烟
林光泉韻無非秀
都付山亭秀占全

張宗蒼松陰對語圖

雲中千疊峯松下兩高士劇談知為何未可俗情揣宗
蒼久謝病手蹟猶留此過眼昔草草補詠今爾爾咄哉
別後思昌黎歎所以

雨

四月二十七日

好雨催清夢輕衾那忍眠屢符旬日節正逮麥秋天侵
曉雲容重繼霑夏景妍每懷庶績順

時軍中屢有喜音
壺漿迎師並無拒

敵者益切一心虔

雨後萬壽山

輕烟新潤靄清和，霽景名山翠滴螺。
塔影漸高出嶺上，

山前建延壽塔，今至第五層已高出山頂矣。

林光增密鎖巖阿。略因遊目圖

耕織，始得寬懷閱麥禾。
雲館小停促歸蹕，大都樂欲戒其過。

石丈亭

睥然見面盎於背，卓立還如倔强人。
遐想無為軍驀遇，芝蘭氣味自相親。

題張宗蒼山水

綠叢雲結小茅堂人靜深山夏日長
距躍閉門謝時事
客來惟許話農桑

首夏玉泉山

烟凝翠滴千峯黛雨後遊乘半日間
選勝開軒稱得樹
攬幽啟戶愛看山澄懷茹古涵今處
悅志麥疇黍壠間
插架芸編姑且置促成腹藁自吟刪

霞起樓

祇知青漢迥常與白雲平座俯嵐光幻窓延顥氣清遊
踈歟少暇景絕更多情五字留初詠何關擬赤城

急雨

四月二十八日

急雨西北來好風與為逐瞬息暗烟空森森霑銀竹農
功今歲幸已屢霑霖霖大沛值茲番額慶優且渥際和
宜快意何事轉鬱感願持畏滿心永邀方至福

古香齋

到處書齋號古香每因稽古自徬徨三謨二典分明在

扞格施行空望洋

題唐寅秋山讀書圖

開窓新籟拂衣袂
几橫陳手一編
不用焚膏將繼晷
秋林月上影猶娟

西直門外

北至祀

澤郊預齋返法宮
輕輿趁曉涼
蘭衢宛轉通
麥穗方含
含黍苗亦芄芄
祇以兆孔佳
益切希無窮
不雨過十日

邇復熾炎風羣稱匪待澤我踊愁蘊隆微霽朝來霏薄
雲旋散空慰不勝憂多巨野憐菁蔥蜀望恐或虛怍怍
惕隱衷何當優渥霑實惠酬吾農

玉盤得玉卮

偶得玉盤無飲具命檢中祕得一卮焉製作玉質
如出一手杯足盤脣皆脗合此與豐城之劍何以
異耶因作是詩誌竒合有如此者

玉盤得玉卮酌置乃相資問盤昔何為久謝承觥思問

厄今何幸藉用聲應隨其始出一璞何年秦越離雙雙
契矜秘兩兩蟠蛟螭有蓋昭禹論劉昭禹謂覓句者若掘得玉合子底必有
蓋無當韓非辭互失倏已幻巧合真復奇我無感慨者
為此興齋咨設逢分鏡人寧不增辛悲

夏至日有事於

北郊禮成述志

日北景南候陰升陽復期

周易集解侯果曰五月天行至午陽復而陰升也孔穎達

易疏夏至一陰生陰動用而陽復於靜也

辨方章品物蠲吉展鴻儀八變靈

鼓奏雙成

帝幕垂奉琮心翼翼進爵禮祇祇

德沐安貞吉

恩希肸蠭施農占常切志膏雨祝淋時

農政全書夏至日雨謂之淋時

夜雨

五月十六日

過半月不雨我愁已弗禁春膏潤野繡首夏芄麥鍼麥
熟雖稱豐禾黍待澤深炎風邇漸熾每與浮陰侵謂復
遲雨期而何報宵霖時踈時更密簷響常細斟歌枕徹

夜聽未曙忙披襟入土剛寸餘依然顒望心

玉河雨泛至玉泉

地靈

神爽靈誠求每響應夜雨惜未霑肅顙繼霑更簇雲朝
復濃陣雨輕繞迎烟光暗遠山珠點驟明鏡既優亦既
渥利農兼愈病無年不愁旱暫愁即吾幸叶作解有秋
卜不戰遐方定時西北兩路官兵所至諸部迎降計日已抵伊犁一心詎敢盈
萬幾惟益敬

西師底定伊犁捷音至詩以述事

乘時命將定條枝

天佑人歸捷報馳無戰有征安絕域壺漿箠食迎聲王

師據副將軍阿睦爾撒納等奏稱大兵至伊犁部衆持羊酒迎攜者絡繹載道婦孺歡呼如出水火自出師

以來無血刃遺鏃之勞救邊掃穴實古所未有

兩朝締構敢云繼百世寧綏有所思好雨優霑土宇拓
敬心那為慰心移

池亭驟雨

西山剛吐一片雲倏忽憲霽對彌四字豐隆列缺奏其能
瞬息盈傾嘉霑溥望澤霏微亦艱致既霑霽霑易爾許
須臾珠簾窳窳簷楹風片烟絲暗遠浦淥聲錯落打新荷
涼色蒼茫滌煩暑黍稷下總懷新砌花陌樹滋蕃廡
敢為時和懈素心保泰益思敬作所

張宗蒼松壑攜琴

高閣開窗俯碧峯幽人默坐興偏濃澗邊童子抱琴至
動操應成風入松

雨後萬壽山

長養方欣嘉會辰
名山勝覽已過旬
花含宿潤猶無力
樹惹新烟更有神
別殿茵香霏砌齒
明湖漲影漾船脣
先憂後樂原吾分
憂既經餘樂亦真

六兼齋口號

湖山雅號賞心主
風月堪稱樂事賓
若問六兼齋好處
率逢美景與良辰

藻鑑堂

宛在構崇基迴廊曲抱池明常徹表裏照自取妍媸漪
影檐楹漱風薰座席披顧名設思義吾每飲於斯

玉河泛舟

玉帶橋西放舸舟新蟬叫樹綠陰稠麥田收畢黍苗起
得趁心間事暢遊

耕織圖邊畫意橫蠶忙已過稻秧生雨暘雖好新絲貴

遙為勾吳一繫情

聞吳中因夏初驟熱
蠶事頗減分數故云

五里玉泉一水通乘閒耐可憇烟宮罔然花木呈明淨

興與昨來迥不同

積書巖

二酉非所慕八索誰能探
遊目既已豁引興殊不凡
不著一卷書是謂積書巖

靜益書屋

檉栢紫翠峰皺目存資益
靜因疑是丘萇隱處阿誰
津逮其人

題錢選捕魚圖

或捉箆籃或舉罽雲溪彷彿寫零陵槎頭擬向伊人問
可識河南漫叟曾

讀季布傳

季布無二諾豈非任俠士受辱不為羞猶曰欲信平已

冒頌遺漢書謾言輕呂雉以有易所無主辱臣誼死高
后亦發怒議欲誅其使樊噲願橫行十萬兵足矣布曰
噲可斬平城禍堪指惡言不足怒美言不足喜卑辭奉
車馬無罪幸赦耳一時患固弭萬古羞難洗史遷乃騷

之大失遵養旨

題宋宣和池塘秋晚圖

鷗鷺雙飛鷺拳獨秋塘位置雅相宜精思設使通為政
五國應無播越時

詠漢玉章

瑞瓊磊磊復彬彬印統分明印以真

非秦漢印統內所有者不入此選凡

四十
溯去二千年上物萃來四十箇賢人

劉昭禹論詩云五言如四

十箇賢人著
一屠沽不得

靈光自有蛟龍護吉字常徵第祿臻試問

伊誰宜介紹客卿子墨舊稱賓

董邦達春嵐瀑泉

如沐春山疊翠螺凍開遠渚漾輕波飛泉落澗增新漲
噉啜輕鯨樂幾多

張宗蒼雲林烟艇

釣輪閒著春衫濶弄棹溶溶新水添不肯世間留姓氏
任人擬議富春嚴

夏日萬壽山

昨夜大雨枕上聞露布正報降千羣剪弊批荅樂不寐
曉晴輕籟吹浮雲視事引見庶績畢名山耐可清無塵
巖枝澗葉蔚露氣雜花霏香香襲人輕輿颯爽欲換袷
念有躋攀僕從臣軍務農功兩如意慰以為惕益勵寅

雲繪軒

龍從千仞面遙嶂夕靄朝嵐無定狀峯峯如沐露筍尖
流雲幾片青天上

澹碧齋

高齋俯碧塘幽興託滄浪
荇帶間聯藻荷衣細紉香
雨晴山受潤風度水生涼
我自惜陰者安知夏日長

沈周廬山高

倒看說石立看濤卜宅惟應賦楚騷
若與廬山相較量

石田豪興比陳高

沈周此圖為陳醒菴作并題長句其上

西直門外

北郊卜祭方希澤好雨依旬大利農
禾黍勃然如助長
往來似此得稀逢告功况值

精禋舉歸化仍傳遠部從

時兩路官兵直抵伊犁收撫準噶爾部衆大功迅奏以六

月朔祇告河西諸部聞風歸降者接踵軍營日有捷報

太廟先期一日進宮而伊犁

諸務允稱

臻美吉一心惟有勵寅恭

平定準噶爾告祭

太廟述事

告成蠲

祀異嘗蒸

太室薰風瑞靄凝梗化昔延六十載

準噶爾部自策妄阿拉布坦於

聖祖時恃遠鴟張厥後篡弒
頻仍通誅者六十餘年矣

懷恩今挈百千朋伊犁遼

阻奚堪恃

列祖威靈實式憑久計永安方厯念敢因歲事忘兢兢
昆明雨泛六韻

杳靄養滄流湔澂拂滌舟少男風致雨炎帝夏為秋已
覺披襟爽還欣縱目悠荷香清勝麝稻色綠於油活畫
瀟湘意渾成河漢遊玉泉遠烟外澄翠處言留

翠雲堂

冒雨來靈沼開晴坐翠雲八窗延霽景雙檜謾寒氛塔
影中峰矗鈴聲下界聞心間何所託竹素挹清芬

擷翠樓

玉泉之阿別一灣構築愛此高樓間嵐氣日夕佳入戶
翠微以南純浸山雲松或是偓佺種烟荔未許周顒攀
遊廻摘藻書長句逸趣原得於其間

弄珠室

倚巖為厰室趵泉淙其底其下無蛟人何為者累累叶

靜聽淒雲韶俯臨鑑石髓滄浪之水清妙意寓物理昔
者捐於淵蓋有會乎此

題張宗蒼桐陰高士圖

白屋青林靜絕塵碩邁何礙過佳賓相逢握手非塗覲
山水膏肓結契人

阿玉錫歌

阿玉錫者伊何人準噶爾屬司牧臣其法獲罪應剉臂
何不即斬犯厥尊徒步萬里來向化育之塞外

先朝恩

事在雍正十一年

薩拉爾來述其事云即彼中勇絕倫持

銃迎面未及發直進手奪無逡巡召見賜銀擢侍衛即命

先驅清漠塵我師直入定伊犁達瓦齊聚近萬軍鼓其螳

臂欲借一依山據淖為營屯我兩將軍

阿睦爾撒納薩拉爾

重諮議以

此衆戰玉石焚廟謨本欲安絕域撻伐毋乃違皇仁健卒掄

選二十二曰阿玉錫統其羣曰巴圖濟爾噶爾

去年投誠封郡王訥

墨庫屬之章京也

及察哈什副以進

叶此人乃我師至伊犁新投誠之宰桑

阿玉錫

喜曰固當

去聲

廿五人氣摩青旻銜枚夜襲覘賊向如萬祖

父臨兒孫大聲策馬入敵壘厥角披靡相躡奔降者六千
五百騎阿玉錫手大纛塞達瓦齊攜近千騎駢走喙息嗟
難存荆軻孟賁一夫勇徒以藉甚人稱論神勇有如阿玉
錫知方亦復知報恩今我作歌壯生色千秋以後斯人聞

玉鵲

徒見翩躚羽那聞啞喑聲形非孚翼就質自琢磨成翫
矣神全肖溫其素本呈應嫌飲露侶黑白太分明

平定準噶爾功成恭上

皇太后徽號御殿受賀詩以言志

從來西北不庭方
戡亂聊攜數月糧
何必先驅張撻伐
早知載道迎去聲壺漿遐荒底定千秋晏

徽號欣承愛日慶
豈不慰思寧即慰
訓垂文子懼方長

題樂善圖

行慶九重鳴夏蹕
乘閒一朏訪溪園
蒲蘆易長況經雨
荷芰遠觀初麗暎
座為偶臨翻得趣
景因獨會乃忘言
徘徊遮莫遲清漏
烟舫黃頭正候門

長河泛舟

曉涼拂水氣日影漏空雲兩岸稼如勃都吾意所欣波
添平浦脈翠疊遠山紋萬壽招提近鐘聲煙際聞

恭奉

皇太后御園賞荷

雨過河源霽景鮮七襄輝映賞花筵

徽稱寶帙新開瑞

尊養瑤池永介年魚解弄珠躍紋綺蟬如度曲雜清絃

持盈詎獨予心切

慈訓頻聽勗體乾

文徵明觀瀑圖

立者扶筇杖坐者倚松陰人各適其適同一聽泉心

雨中至玉泉

十雨以恒言朱夏五雨好昨近數逢晴思一滌炎燥視
事裁進止習射以身教叶長日有餘閒跋馬玉泉道蹕
雲生西山頃刻傾盆倒玉珠復銀竹森颯還縹緲堯峰

忽若藏平湖益增森黍高及稻下芄蔚吐穗早暄潤既
合宜冀可卜萬寶老農笠底歡僕從苦行潦文侯親罷
獵此事汝安曉

玉泉雨景

雲容雨態散還凝山色波光空且澄放眼水晶宮闕裏
如斯欣遇幾迴曾

唐寅鸚鵡圖

一枝棲亦安三山來應寡誰云不逾濟看取唼唼者

六月十八日午門受俘

雷霆申宿令

是夜大雷雨
曉即晴霽

閭闔受新俘詎乃恩全背巴

孟克忒木爾去年隨都爾伯特親王策
凌等歸化者至六月間二人乃叛去

安能誅竟逋卜羅

藏丹津雍正二年反去者我師至伊
犁彼即請降以事既久赦而弗誅

緝兇新附奮

巴朗等皆

新降諸宰桑
所緝獲者

宥命舊奸瞿

謂羅卜
藏丹津

白練陳班末雙頑肆

市衢

謂巴朗孟
克忒木爾

快晴

天意順大禮衆情愉益切欽心鏡永懷鞏帝圖

金河

金河之水高玉河灌輸町畦蓄流波其初一渠可步履
歲久淤塞滋蘆葦疏泉因為廣其壑益開稻畦千畝多
金河寬乃足行舸溯洄乘便延緣過鱗塍蔚左昆明右
萬壽山屏疊翠螺玉泉其遙云蒞止江南之景誇則那
寧為斯乎一圖展祝振古今萬箱羅

月夜泛舟

落晚西山紫照來浮空東泊綠舩開去年北塞山莊月
一例南風喜共陪

月色波光相與清
花潭竹嶼幾逢迎
寄言弄棹寧須緩
揆藻風前屬未成

乍見流螢輝暗草
更聽蟋蟀試初吟
已知頗有清秋意
未識誰懷宋玉心

郭熙秋風行旅圖

天外孤城擬劍門
棧旁遙指酒家村
秋風雅解傷人意
那更征途易斷魂

熱六月二
十四日

雨後喜時晴暄潤愜人心禾黍如助長吐穗蔚森森雖
有清風來而當朱夏臨廣廈覺炎蒸閭閻益難禁豈不
憶山莊避暑暑弗侵去歲以宴都爾伯特親王策凌等
故早命駕暑月在山莊真覺清涼
既慮多勞思更恐弛敬欽協紀順天時解愠緬虞琴即
看日上階何以惜流陰

夜雨

六月二
十八日

滂沱還斷續徹夜喜聽之淨滌三庚暑真符十日期肝
宵方冀澤秀實總含滋若捧盈乾惕中心敢少移

御製詩二集卷五十七

欽定四庫全書薈要卷一萬三千三百八十五

集部

御製詩二集卷五十八

古今體一百二十首

乙亥五

和李嶠雜詠詩百二十首韻有序

天根月脅兩間皆名理之參殽鳥跡龍圖庶彙悉
斯文之覩縷揚風扞雅原惟體物為長俯察仰觀
舉可拈吟寓興茫茫象緯定中月離之章歷歷堪
輿漢廣崧高之句登選樓則京都作賦稽樂府亦

麟鴈標題時研鍊於鉅裁或錯陳於片語粵自張
荷班扇始具全篇降而謝蝶崔鴛僅傳一律譬夫
采珠合浦何嘗聯百琲以揚輝假令求木鄧林詎
易集千章於合抱項當幾暇披覽唐音見李嶠之
雜詩信才人之鴻製體用五言四韻數至百有廿
篇大而流峙高深細及肖翹跂喙雕鐫盡致籠萬
象於毫端繪繡成文滙羣言於卷裏時則薰絃靜
而綈几清午漏遲而端谿潤爰依章而屬和更比

日以徧賡夫賦物者以刻肖稱工隸事者以誇多
為富不知詩宗六義自比興之居先矧夫品列萬
殊固形神之備具若第鏤金錯彩殊乏性靈如徒
暈碧裁紅何關生趣選辭就義無妨旁引曲喻以
盡其情抽秘騁妍要必援史據經而窮其蘊有香
有色豈云剪綵為花亦幻亦真聊復即燈取影笙
簧藝苑漫等諸月露風雲芥藻蓬山多識於蟲魚
草木用當清暑兼寓惜陰云爾

日

嵎夷常發曜建木乃棲枝萬古明恒繼十天光鎮披誰
傾丹藿仰我惜白駒馳惟是無私照乾乾奉若曦

月

示冲朏魄際警言闕朏眇時東壁常懸鏡西潢祇學眉入
聞陸君牖鑒得阮生帷寄謂宵衣者應懲長夜嬉

星

堯典授時古泰西辨紀新降婁還主魯鶉首亦當秦誰

應嚴陵客還思傳說臣庶民從所好慎矣譬辰人

風

入松泛金籟動竹響琪林文士雄雌辨高人商角吟底
須誇漢筑惟是緬虞琴雨足園亭好披來興滿襟

雲

空聞王母輦詎數楚王臺出岫無心去為霖有意來卷
舒常薄漢沮洳不飛埃膚寸曾占礎當春望幾回

煙

連雲方蔚術

見劉向
薰爐銘

帶谷乍霏微
爨竈升晨柱

吉林竈
突率立

木如柱剝其中
空直以出煙

薰鑪換夕衣
星池香作雨
滕閣紫凝暉

嗟彼灰同出
倏分沈與飛

露

三霄呈異瑞
九畹綴新叢
龜飲金莖外
蟬鳴玉樹中
醴甘丹桂曉
珠落碧荷風
聞說丹丘壑
猶存唐帝宮

霧

樂廣披蘭省
藥巴還蜀城
雖云五里暗
不礙九天明
侵

曉報晴散著塵疑雨輕祥祆皆可卜彼霽豈容情

雨

作解山川出其濛壬子來社公知節至抱朴潤兵回點
入池紋合絲牽風勢開甫田一犁足額手祝時哉

雪

天公為玉戲剪琢出重霄花是恒春蕊時成不夜朝融
將兼雨潤輕漫逐風飄洛渚形容別陳王正返朝

山

案衍橫青野嶽竒凌紫氛谷為鄒律黍峯是夏時雲詩
態仙人影畫情螺黛紋荒唐笈封禪七十二朝君

石

落落堪稱度稜稜亦具威叱羊山裏化為鷺雨中飛去
國貞姬望填溟精衛歸猶聞肅慎獻可試弩牀機

原

龍鱗常試望膺膺闕何年名將千軍駐高賢五柳眠苔
齊壁言焦石虞芮置閒田復降公劉蹟今存大雅篇

野

載觀星斗次分域映璇空
甲乙裨瀛外庚辛泰華通
櫟猶蔽芾綠花任淺深紅
何事謏謀創無能獲國中

田

祈穀卜元日常雩舉見辰雨
思霑壤脈雪祝積塍鱗百
畝公耕舊十千歲取新虔心
願多稼尚有飢貧

道

梯山亦航海定筭復存卬
同軌誰能異踰關豈限重佳

人愁折柳壯士氣騰龍莫作臨岐泣刀環會有逢

海

世界依香水朝宗映太微乾坤萬古潤日月兩丸飛水

伯形疑幻鮫人珠有輝鴻瀾觀至再記自大東歸

乾隆癸亥

甲戌兩巡盛京皆登澄
海樓觀海賦詩紀事

江

瀆首岷山導潮靈地底回二分崕崕始九派楚襄開受
佩鄭交去投書殷羨來詞源倒三峽獨許景純才

河

三門砥柱中源遠接雲空聞道金繩壘奚稱瓠子宮百
川秋水灌九曲大瀛通髮剔洪流奠巍乎神禹功

洛

堯壇圖見古周邑食維新激水德陽殿成橋熊耳津玉
雞誕漢祖綵鳳接仙人曾憶香山頂觀瀾六轡臻
庚午
巡中

州渡洛水
至于中嶽

城

千里據仙境四墉環國都象天陳保障擇地鞏闡隅政
惠曾遊鹿術靈還起烏乘陴守溫郡功著寇雍奴

門

閭闔崇墉表清明華闕隈金魚司夜謹丹鳳向晨開掃
軌高人隱種瓜仙客來何如虞舜闢賓穆致賢才

市

聞道新豐巷識家不用尋鄭門譬如水陳氏詭能琴交
易為中日相成立夕陰齊人平旦往可以攫兼金

井

自穿育炎帝謀蓋出都君妙取八家象能生五色雲華
林春日續靈石夏風薰可用王明汲玩辭思易文

宅

西蜀曾餘跡南山亦有廬可懸高士榻不礙楚人車種
竹王猷慣誅茅宋玉初猶傳龍望野太尉有藏書

池

鶴鳴魏王館鷺玩右軍家柳眉青春靄荷鋪朱夏霞漪

瀾文鷁動蘸影石鯨斜高詠昭明句忘情山水賒

樓

層構干雲表飛甍出堞隈候神期羨至望氣斗牛開拂
席春風落捲簾暮雨來風流傳八詠都說建昌才

橋

杜牧月中詠相如車上歸忠曾伏豫讓勇或斷張飛刺
處蒼蛟巨得來玉杵輝尾生還抱柱終以信為依

經

尼父刪修後洪源萬古明鄙稱陳迹在法著素王成漫
笑邊生苟還輕韋氏籙所希鴻教煥棧樸育賢英

史

立自軒轅古布來方冊新記從言動直體貴質文彬董
筆曾誅趙遷書善過秦宮牆如顙俊堪作六經臣

詩

借問詩何自端由情性來遙看六朝變誰障百川回雅
正方堪則艱深豈是才虞廷緬賡載庶事詠康哉

賦

風雅遞相變鋪揚體益平相如上林苑庾信楚人纓所
貴陶神理奚稱協律聲雕蟲工篆刻莫笑得俳名

書

鸞鳳方翔翥烟雲共卷舒八分沿變後五合會通初入
妙衣無縫藏鋒刃有餘公權陳譙諫名下果非虛

檄

皦然宣尺二師出貴先聲司馬傳巴郡孔璋擅魏營千

言明電曜萬里順風行立辦駐馳馬房喬早著名

紙

竹不便行施擣麻代簡馳尚卿神號炳雲母玉光披紀
實傳今古修辭贊禮儀蜜香書釋例杜預有芳規

筆

重華方簡上毛穎管城隈如玉三端避生花五色開嵇
含刊竹去逸少換鵞來便殿呵牙管謫仙果是才

硯

與史公從事靜為用永年質珍寔金玉形定節方圓典
籍因垂後讒邪無汚前便教磨穀理一和巨山篇

墨

罄壺應瀝血用硯欲凹心淳漆稱精絕輕膠用意深筆
常與為入茶每遜其沈落紙雲烟潤蘭亭試背臨

劍

季札繫而去還從魯國庭周官紀遷地雷氏善觀星華
藻步光縟寒芒飛景明莊生真善喻三等藉傳名

刀

斷蒙稱果勇握足諭歸旋光掛天邊月寒凝澗底泉刺
史占祥後將軍拜賜前泰阿如不假拱手靖遐邊

箭

蓬矢分明示平生喜獵園林中殲虎突天外落鴻飛飲
石羊頭利發銅鵬羽輝還誇孺子智早識庾公歸

彈

顧子為名訓蘇仙返故鄉炙鴉原可譬黃雀那容忘徒

見衆星迸惟懸一月光流鶯海棠下麗句獨稱王

弩

將軍發大黃勇略振邊方踰水飛青鏃乘風散紫芒流
星方覺利觸鯨頓堪傷省括機張度阿衡訓夏王

旗

龜見占剛日龍章擁瑞雲建惟尊九仞麾可奮諸軍蔽
漢騰英氣升華掣烈文太常徵實績那許冒勲紛

旌

析羽頒章物精光耀日中納言虛若谷振武揭如虹獵
獵衝珠斗悠悠颺德風安心誠得竟底用指揮攻

戈

離為象義卦兌貢紀周年明耀霜華又森開雪色鋌康
成入室裏句踐牧駒前三舍撫能返雄心貫日邊

鼓

少昊曾傳製雷門漫試聲禰衡魏武怒諸葛洞蠻驚伐
木還連響催花借一鳴五音繁會處不得詎能成

弓

倂自孫卿紀般由少皞生虞人招豈合唐帝喻猶明質
辨彤盧色弦催霹靂聲彭城東欲集還得待遲成

琴

倚梧峻嶽隈匠石奮斤開理性蘋魚躍通神白鵲來歐
陽豈在器司馬尚餘臺雅正中和導為音詎貴哀

瑟

東坡傳四字商隱藉知名膠柱真嗤謬繁弦且漫驚數

峯青句逸百寶錯裝并趙女叢臺上春風不盡情

琵琶

明君慰遠思馬上感多端鳳翼還雙並鷗弦以四安阮
家撥猶妙韋氏畫堪觀司馬青衫濕江邊莫再彈

箏

秦聲傳雅製巧思阿誰開四序升沉引八風嬋代來羅
敷執高節阮瑤擅清才裝柱何為稱惟應玉是哀

鐘

於論惟共鼓以間早傳笙出入告斯度疾舒辨厥聲八
能常縱擊百里可聞鳴窈窕霜朝聽詩成韻亦清

簫

虞帝儀鳳器周仙乘鳳音雅宜君子聽平得躁人心蛇
畫添休筴

李嶠詩闕下四句
輒為補足

鷄垂聊復吟子綦喻三籟漫

向管中尋

笛

吹作滌然聲崑谿質最清暢神威鳳聽感物水龍鳴古

調七星按新詩四座驚
傍牆李暮摩偷得曲中情

笙

王喬伊洛表墨翟郢襄隈
巢鳳雖云美離鴻亦可哀
安仁賦劇籀東哲補循陔
何必雲和吹去聲云隨王母來

歌

永言姚帝陞發德碣瀛濱
荆姥曾傳谷虞公早動塵
戚欣惟志寄宛轉以時新
豈有卿雲望惟懷賡載臣

舞

儀嫻傳北里度雅擅西城霧袖廻風暗雲翹暎日明總
干知德意秉翟著賢聲苗格七旬內敷文繫匪輕

珠

金闕北荒裏鮫宮南海隈緯蕭河上返賣櫝楚人回寶
質無脛走靈光入夜來試思市沙漠豈似委瑤臺

玉

出懷雖笑鄭利割亦傳秦未害投泥者寧無抵鵲人瓊
枝鼉采煥昌藜瑞英新不取登臺返寧王別有珍

金

吳季遊齊野魯連全趙城賢妻曾責義孝子藉騰聲臺
自燕昭置山當少吳鳴隗生真善易使者早知名

銀

為闕黃金間橫河碧落長十年蘇軾甕一夕趙璘床品
入荆揚貢氣騰委宛光徒傳山溢出符瑞應殷王

錢

地官初鑄幣取義似泉流秋卉鋪瑤砌春榆點御溝孔

方稱可笑阿堵舉應收選一騰清譽須從循吏求

錦

秦川語如邈蜀國製初陳韓氏堂成日石家谷艷春害
紅伊古戒競巧逐時新萋斐曾申刺僉哉彼譖人

羅

霜曳崔融潔風躋宋玉清榮門三代並薦地九微明蛺
蝶團成簇鴛鴦著處輕香囊如賭得可識謝公名

綾

七夕隨王母義山警魏君叢臺花綴露鄴市鶴盤雲餅
賜大官饌衾宜翰苑文鏡光如試筆結霧自氤氲

素

禮神臻第祿錦繡詎能妃擬雪梁園賦為雲正旦飛持
縑寧待比委篋有餘輝一匹寒衣具鄰人可借機

布

蜀都珍潤黃丘國獻周王同賈帛相若無遷幅貴方荃
香質夷島藤剝出蠻疆

嶠詩云劉衣闌四方疑疆字之誤

光儉公孫詐

端因以德芳

舟

製自軒轅造周流去復迴登仙李膺濟泛雪子猷開虛
觸悠然去刻求惑者來孫卿諭載覆信有過人材

車

山瑞作乘根迎侯駕在門策牛將相入蒙虎蔡陳奔仙
客鸞扶勒衛公鶴御軒輪轅戒虛飾周子著名言

牀

太尉選東牀獨稱坦腹王仙人華玉鏤神女鬱金裛竹
簟含風冷蕙幃拂霧香中宗雖下禮導也信謙光

席

彭祖陪宣帝晏嬰對景公銘端心惕夕坐治德同風得
句謝陽夏解經戴侍中求賢每因側切切凜深宮

帷

董子不窺舍陶潛或命車松梢延月入竹裏為風舒

去聲

蘭室接談後華林張樂初欲知文治要講殿繹經書

簾

望處目疑水垂來意滿秋
碧珠文繡額銀蒜曲瓊鈎
暮雨西山卷朝霞東戶浮
君平開卦處終日與天遊

屏

似疎還實密展去可收回
隨意季龍製傳神孔雀開
有朝昔向立無逸近書來

殿廷視事之地率書
無逸篇於屏以自警

廿五清新

詠穆如開府才

被

文錦薰蘭省青綾艷玉堂小星抱三五女弟遺去聲鴛鴦

當效授寒惠奚求斜覆長魏舒持徑出清論信稱芳

鑑

庾信拭輕埃溫生玉作臺一枚燎豈得百里照呈來執
半鵲飛去藏雙鯉剖開文皇舉三喻獨惜魏徵才

扇

逸少擅書名元規轉被輕應門辭世跡畫水斷江聲詎
足珍雙翅還因憶五明婕妤辭輦後永巷獨含情

燭

火傳不盡舊花卷每迎新績學絳帷夕朝天紫陌晨東
來遊綺墅照處醉華茵師曠稱明昧誠哉善喻人

酒

秩秩會賓儔言言共酢酬蘭英香氣泛竹葉露光浮從
事青州判仙人梁市遊永懷惡旨訓底用羨糟丘

蘭

楚畹試披尋葉瓊芽簇金仕齊香竟體返魯樂操琴春

襍晉賢會秋風漢武吟不緣人莫服芳散短牆陰

菊

最是禁秋質偏於晚節開傲霜宜挿帽飲露似擎杯
李適慈恩寺陶潛彭澤隈一般欣所遇知己問誰來

竹

千畝渭川瀆琅玕憂碧氛溪稱六逸隱林會七賢文月
入檀欒影風翻翡翠雲相如雖後至也得見梁君

藤

野鹿通山貨鳴鳩巢井臺潭邊霞照起石上月光來囊
掛天台杖帳圍金谷杯剡溪如欲試透背幾分開

萱

南花樹北砌東日照西叢蠲忿幽芳吐合歡瑞色籠飄
蕭葉猗露霍靡蕊含風不解憂常切休誇藻獨雄

茅

周易闡義日齊桓問楚年束華之子遠乘屋小陽前捲
得三重去濯成五丈旋方殷茹彙拔詎為有絲捐

荷

亭亭彼澤陂君子擬風規
微露盤香瀉承曦蓋影移
清芳竟幽嶼素彩散華池
如遇涉江采還看向臉披

萍

紀異淮南子摛文蘓彥浮
風乘末而起江有實斯流
供飼鶴常飽為茵鴨喜遊
飄搖託輕浪來往觸行舟

菱

桂棹沿廻採蓮塘宛轉通
折腰銷暑氣熨齒散香風
冰

颶靈池面舟橫太液中勸民傳渤海也救一時窮

瓜

丘仲蜜為萍安期棗似瓜三離華

音話

翠辦二蒂共黃花

暑却雕盤潔仙稱空洞嘉祥符徵卜世繇徙萬年賒

松

洪邁茅山側君謨閩路陞籟真無比籟枝信後凋枝靄
靄貞蕤發童童秀葉披遺堯堯不服豈是未曾知

桂

連蜷中岳表寂寞小山幽有樹皆稱月無人不識秋膏
然燧林燭木作岱輿舟董謁升壇後曾看王母留

槐

拂殿連天蔭易榆特地栽三公卜庭下一柱茂城隈
癭結郎中識花黃舉子來仲文神往處兎目發恢台

柳

春氣裊氤氲春煙冒碧氛池塘絲帶雨臺館畫橫雲
逐浪吟貞觀垂陰賦簡文凝粧翠樓者驀地憶夫君

桐

龍門聳碧岑百尺上連林青子垂瓊實孫枝鬱翠陰翔
鸞知月巧鳴鳳寫雲深藉問淮南弩奚如谿北琴

桃

結實龍丘表盤根度索傍瓊瑤酬厚貺歌舞換新粧耐
可烘春艷偏能銷恨長七枚留著核癡煞漢家王

李

含暉臨綺埒發綵及芳辰與月色無別因風影似新百

枚紫陽戲各種上林春慎矣整冠者鄙哉鑽核人

梨

卉擅常山側品珍鉅野中
花開疑雪瑞菓熟擬年豐
具茨一株樹歐陽千葉紅
哀家若蒸食幾不笑桓公

梅

寫照擅華光先春冠衆芳
素含月裏色冷吐雪中香
已和商王鼎還勝禹廟梁
設如林下遇何異飲瓊漿

橘

淮海貢維錫華林珍豈繁詭傳晏嬰對信寄洞庭言霜
裏朱丸綴風前綠葉翻惠連將作賦嘉樹正當園

鳳

軒帝銜圖鳳虞廷儀樂凰九雛符上瑞六德煥鴻章翺
翺麟洲側雖雖梧樹陽何當漢宣代史紀屢來翔

鶴

睢睢復翩翩江樓渺若煙遠師悟立地丁令識當年豈
慕華車上偏宜竹院前緱山明月夜笙韻落寥天

烏

流火天王瑞巢門孝子寒雨占惟兩翼日御每三竿畫
壁滎陽中成操義慶彈空傳曹孟德繞樹未能安

鵲

神女造橋去公輸削竹飛濡魚波裏化條翮世間稀奇
著侍臣卜祥徵旅客歸啄槐靈氣結蘊玉擬山輝

雁

往來南北方知候號隨陽汀畔蘆花影天邊人字行沙

洲跡印月龍塞信傳霜若問安身處瀟湘雲水鄉

鳧

侶浴萍苗上羣嬉藻沼隈鷄爭寧可匹鶴續亦堪哀栽
錦浮沉動在沙福祿來蕭王能撫士歡藻一聲雷

鶯

金衣織雨紅色色復空空解作變喧調偏能療妬風音
流柳隄外腸斷竹籠中仲若雙柑聽端由理趣通

雉

潘賦作金聲班詩紀鄧平廟廷升鼎瑞郊野應鐘鳴夏
翟依時貢蜃樓待化成魯恭多異政企想係予情

燕

簡狄吞元水意而上碧空不分梨樹雪斜掠杏花風處
戶身依近窺簾意在中神芝如得食正一謁仙宮

雀

巢常安畫栢飛不離

去聲

雕梁饒有依人智那無夢客祥

雙行書案上率啄粟場傍塞外曾稀見屋成結隊翔

雀巢

依屋宇塞外沙漠之地自古所無今有構室而居者
室成卽有崔去室百步外仍無或云是石灰所化云

龍

池濯號成都籜抽亦擬雛雙蟠扶夏輦五采負虞圖致
雨潤千里簇雲分太湖霈恩聲應捷牲帛以時趨

麟

周南雅化開漢武幸雍回信是不羣品豈伊可繫才沛
邦曾吐卷秘省早傳臺筆削春秋罷西郊越若來

象

瑤光星散後林邑貢陳初教弼臯陶法幣輕子產書馱
經至西域入隊舞吳墟如是三般渡我聞何所居

馬

千里徑循東由來龍種驄蹄輕從逐電意逸每嘶風牝
牡驪黃外詩書禮樂中無邪還著訓垌野頌僖公

牛

黃鐘鳴滿脰多稼詎言功丙吉燮調裏郭舒雅量中端
知劍堪賣不與馬同風葛樂穆然古巢言作者通

豹

觀象易成周如飛比壯猷楚辭曾作御管子善持籌符
兆孫家獵獻歌韓國侯春山常隱霧妙理契明幽凡獸死而
為霧亦如鳥死而為遊絲也出佛經不
獨豹為然南山隱霧之說蓋津逮於此

熊

塵開濁水面魚舍大烹前鄭相聘鄰日周王誓衆年穴
中常蟄伏樹上可盤旋啼向杜工部悠然樂澗泉

鹿

甦甦常在澤濯濯亦遊畿寫貌偏宜畫徵名屢見詩漢
皇刻牌日國士鼓琴時李渤結廬處紫陽早豫期

羊


童子荷簪後仙人刻木材楚中銜穀至洛下噉珠來考
牧先型復委蛇雅化開草芳賴粧點莊在午橋隈

兔

擣藥月棲久隱形世見稀走岡目成孕超漢背能飛得
理忘蹄妙因時養魄輝摛文傳露布萬里遠宣威



御製詩二集卷五十八



總校官庶吉士 臣侍朝

校對官庶吉士 臣陳文樞

謄錄監生 臣趙友彬